

ادبیات ، فنون عسکریه ، بحریه ، تاریخ ،
تجارت ، زراعت ، صنایع ، معارف ، امور
نافعه و ! کتبهای فخرآئین باحث مصور
جریده در .
هر نوع خصوصیات ایچون غزته تک مدیری
سمادتلو طاهر بک افندی حضرتلرینه مراجعت
اولنور .

BUREAUX :
Imprimerie Tahir Bey
40, rue de la Sublime-Porte,
STAMBOUL

ارتقا

(ارتقا) تک استانبول و طهره ایچون
بر سنه ۳۲ آبره سی فروشدر .

مخانی بالجله ارباب قله آچقندر . هر ال
قلم طوتان یازده بیلیر .

اداره خانه سی باب عالی جاده سنده ۴۰
نومرولی « معلومات » مطبعه سیدر .

JOURNAL ILLUSTRÉ
IRTIKA

نسخه سی : ۱۰ پاره یه در

جمعه کونلری نشر اولنور فنی و ادبی مصور عثمانلی غزته سیدر

نسخه سی : ۱۰ پاره یه در

بروسه دن قونیه سياحت

سياح : محمد ضيا

— مابعد —

کتابه سی شود : « رسم بماده هذه المدرسة المباركة في ايام غياث الدين كيجمرو بن كيقباد العبد المحتاج الى رحمة ربه بدرالدين مصلى اداماه ووفقها على المعها والمتفقهين اصحاب ابى حنيفه رضی الله عنه في سنة اربعين وستمائة ٦٤٠ »

بومدرسه صيرجلی مدرسه دخی دیرلر . برصفه بقایاسیله برده امیر بدرالدینک کنبدی قالمشدر . سائر لرلی خراب اولوب فنا بر تعمیر کورمشدر . امیر بدرالدینک یاننده ایکی قبر ده موجود اولوب بونک بری حضرت شمسک اولق اوزده روایتکرده افلاکیدر . مذکور صفه انواع صیرچدن معمول ومنقوش اولوب کنارنده جینی اوزرینه ایات کریمه محرومنقوشدر .

بوکون انای وجد واستغراقده حضرت شمسک « ربع مسکونده » بنم حجبته محتمل برولی وارمیدر ؟ « خطاب مناجات کاربسنده بولنسی اوزرینه دیار رومه عزیمتی اشارت اولنقله عنان عزیمتی قونییه توجیه وبوصورتله جناب مولانا ایله ملاقات وحجبت ایلمش ایدی .

حضرت مولانا ، پدر محترم لربنک اشارت معنوله لرلی اوزرینه دیار خراسانده کائن (ترمذ) بلده سی کار صلاحیندن سید سردان دیمکله معروف سید برهان الدین محقق ترمذی دن تکمیل اصول طریقت بیورمشلورد . سید برهان الدین ، معنأ مظهر التفات پیغمبری اولدینی کیت معتبرده مسطور ومندرج اولان محمد بهاء الدین ولد حضرت لربنک اخص مریداننددر .

صاحب کتاب مثنوی ، حضرت ملای رومی ، شمس الدین تبریزی ایله یک چوق حجت ایدوب طریقه سماع ، فرجی ، وضع دستاری جناب شمسه تقلید وتوفیق بیورمشلورد . حضرت مولانا ، علوم رسمیه واقسام علمی پدروالا کهرلرندن اکتساب وبوسایده بهره مند فیوض اولدقلری کی طفولیتندن واسطه حالته قدر اصول تربیتی فخرالاولیاء وسند الکاملین سالف الذکر سید برهان الدیندن اخذ وتلقی ایلمشلر .

جناب جلال الدین رومی کنجلیکنده حلبده (حالویه مدرسه سنده بر حیره مقام متبرک مولانا اولق اوزده مشهوردر) بر قاج مدرسه ده اوطوره دق مولانا کال الدین ابن عدیمدن درس او قوشلورد . شامده (مدرسه برانیه) ده انای اقامت لرنده مدقق کامل مکمل ، صاحب الحال والقال شیخ محی الدین عربی ، سید المشایخ عنان الرومی ، موحد مدقق ، عارف کامل فقیر ربانی شیخ اوحد الدین کرمانی شیخ صدر الدین قونوی به ملاقی اوله رق مباحث حقایق ومعارف الهیهی بیکدیگر به تقرر وافاده ایلمشلورد .

حضرت پیر ، صدر الدین قونوبدن علم حقایقی ، فصوصی ، فتوحاتی او قودقلری کی ، اوحد الدین کرمانیدن دخی درس کورمشلورد .



شامدن عودتده حضرت مولانا ، ابینه قلب پاک لرنده مندمیچ اولان معارف وحقایق الهیهی آینه قلب شمسده ، جناب شمس دخی کندنی مرآت قلبنده کی حقایق آینه قلب مولاناده مشاهده بیوردرلر ایدی .

شمسک قونیدن اینجی دفعه اوله رق عزیمتندن صوکره ، حضرت مولانا صلاح الدین زرکوب قونوی بی انک مقامنه قویه رق انکله صحبت ایتمک باشلامشلورد . مخدوم مکرملری جناب ولدی دخی انک خدمته وبرمشلورد . شمس حقنده کی میل وحجبت قلبیه لرلی تمامیه صلاح الدینه توجیه بیورده رق کریمه نجیبه لرلی فاطمه خاتونی مخدوم عالی لری جناب ولده ترویج ایلدیلر که کلین اولیاء الله دن عارف ربانی ، اولو عارف چلی حضرت لری (۱) بو مقارنت متیمه دن مهادرای ظهور اولمشلورد .

حضرت مولانا ایله صلاح الدین اره سنده کی حجت وحجت صرف عشق محبت آله دایر ایدی . برکون مولانای مشارالیه حضرت لری صلاح الدینک قیو مجیر چارشونده کی دکانی او کندن کچرکن اورسه اوریلان چکیچ ضربه سندن وحده کله رک سماعه باشلار . صلاح الدین ، مولایه ومنجذب اوله رق همان دکاندن جیقوب خاک پای مولانایه یوز سورده ؛ او تاریخدن اعتباراً اون سنه قدر صحبت ومحبتده بولمشلورد .

شمسی برای تحری جنک وجفانه ایله وسماع ایدرک درویشان ومجانیله برلکده شامه عزیمت واواننده ، « کوزدن نهان اولان شمس آینه قلبم زده بولدی ! »

بیوران حضرت مولانا :

ان سرخ قبایکی چومهار بر آمد

امسال درین خرقه ژنکار بر آمد

شمس الحق تبریز رسیدست بگویند

کز چرخ صفا انمه انوار بر آمد

قطعه سی اوقویه رق صلاح الدینه اشارت بیورمشلورد . بوراده کی « شمس تبریز کلدی دیکیزه » دیمکدن مقصد عالی لری ، انک مقامنده اولان صلاح الدین در . یعنی صلاح الدینه شمس نظریله باقشلورد .

جناب صلاح الدین (۶۵۷) سنه سی محرمنده ارتحال دارق ایلمشلورد . حضرت مولانک ایلک مریدی صلاح الدیندر .

جناب صلاح الدینک ارتحالی اوزرینه ، حضرت مولانا انک مقامنه عظمای عرفای مولویه دن حسام الدین (چلی) حضرت لربی اقعاد بیورده رق انکله حجت ایتمشلورد . طریقت جلیق مقامی ، حسام الدین مقامیدر ، سالکینک تربیه وتسلیکی حضرت حسام الدینه ترک وحواله بیورمشلورد . شو حالده قونییه تکیه سنک شیخ ده طریقتی دده اولور .



حضرت مولانا جلال الدین رومی قدس سره السامی ، معروف شیخ خواجه علی رامتی حضرت لربنه تلقین تعالیم ایله کندنی رحلت لرندن اتور بش سنه صوکره ولادت واقع اولان خواجه بهاء الدین نقشبندی حضرت لربنه اول واسطه ایله ایصال بیورمشلورد .



محمد بهاء الدین ولد حضرت لری شمس الانامه عباده سر حسییدن اخذ انایه ایلمشلورد . سید حسین خطیبی نک زوجیه و مشارالیه حضرت لربنک والدّه محترمهلری علاء الدین محمد البلینک کریمه سی امهه خاتوند . حضرت مولانانک والدّه نجیبه لرلی محمد رکن الدین بلخی نک کریمه سی مادر مؤمنه خاتوند . (۵۷۰) تاریخنده قره مانده وفات ایتمشدر . دختر سیادت بیورلری ملکه خاتوند که (۶۴۴) تاریخ هجری سنده خواجه شهاب الدین قونوی بی ترویج ایلمشدر .

حرم عالی لری ایسه صالحات مخدراندن (کرا) خاتوند . درگاه شریفک حجره لرلی او کنده مدفوندر

حضرت مولانانک ارق لربنه کیدکلری خرقه ، الیوم بخارایلرک اکتسا ایلدکلری اوزون قوللی یرتاجلی خرقه اولوب قونییه تشریف لرندن صوکره اهل بلده یه توقفا سک کیمکه باشلامشلورد مشایخ مولویه ابتدائی باشلربنه عرفی یعنی بخار دستاری صارار لرکن بونی بالاخره قفسی دستاره تحویل وکیدکلری خرقه فی دخی شمدیکی شکل وهیئته افراغ وتبدیل ایتمشلورد .

تربه معطره جناب مولاناده مودوع محفظه توقیر و تعظیم اولان مثنوی شریف نسخه سی دخی زیارتله حائر نصاب شرف ومباهات اولدم . بونسخه نفیسه ومبارکه حضرت پیرک حضورنده یازیلان نسخه یکتادان استساخ ایلمشدر . فقط جای دقتدرکه اصل نسخه میدانده دکلد . ونه اولدینی بیلن یوقدر .